



# ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

22 ՀՈԿՏԵՄԲԵՐ 2021 թ.  
№ 12 (1076)

Թերթի առաջին համարը լույս է տեսել 1965 թ. մարտի 11-ին  
երկշաբաթաբեր • հրատարակման 56-րդ տարի

ԽԱՂԱՏՈՒ ԱՌՈՒՅԱԻ ԱՆՎԱՆ ԸՆԹԱԿԱՆ ԴԵՏԱԿԱՆ ՄԱՆՎԱՐՁԱԿԱՆ ՀԱՄԱԼՍԱՐԱՆԻ ԴԱՇՏԱՊԱԹԵՐԹ

## ՄԵԿԳԻԱՐՅԱ ՊԱՏՄՈՒԹՅԱՆ ՃԱՆԱՊԱՐՀԻՆ



21-րդ դարն անմխաղեպ մարտահրավերների ժամանակաշրջան է, պատերազմի հետևանքների ու համաճարակի առկայության պայմաններում բազում մտահոգություններով լի կյանքի անհանգիստ ընթացք: Աշխարհաքաղաքական տարբեր իրողությունների համատեքստում անհանգստամալու շատ բան կա... Միաժամանակ յուրաքանչյուրիս մեջ ամեն վայրկյան վերարժևորվում է մեր երկրի ներկայի ու ապագայի հանդեպ պատասխանատվության գիտակցությունը, որը մղում է լավատեսության, ամրացնում պայքարելու կամքն ու ոգին՝ հանուն հայրենիքի առաջընթացի:

Թեև շատ դժվար ժամանակներ ենք ապրում. Կովիդ-19 համաճարակը փոխել է բոլորիս կյանքը, բոլորիս դարձրել զգուշավոր ու համակերպվող: Կարելի է մեր կյանքը գնահատել համաճարակից առաջ և համաճարակից հետո, պատերազմից առաջ և պատերազմից հետո... Համալսարանն էլ այս պատերազմում ունեցավ բազմաթիվ զոհեր, համաճարակի պատճառով՝ աշխատակիցների մահեր:

Համալսարանը 2022 թվականի նոյեմբերին կբոլորի իր գործունեության մեկ դարը. 100 տարին պատմություն է, ձեռքբերումներ, կենսագրություն, աշխատանքի ոճ, սերունդների հարափոփոխ ընթացք, նորովի աշխատելու, նորովի հպարտանալու և մեկ առիթ, որը պետք է ուժ տա, դառնա աշխատանքային նոր ձեռքբերումների շարժառիթ:

Պետք է նորովի գնահատել կյանքը, արժևորել ամեն օրը, օրվա յուրաքանչյուր պահը, աշխատանքը դարձնել նպատակ՝ ի նպաստ մանկավարժական կարգեր պատրաստող, լավագույն ավանդույթներ ունեցող համալսարանի, որը կրում է մեծ լուսավորիչ և առաջադիմության ջատագով հաջատուր Արմյանի անունը, մաև հանուն մեր չքնադազեղ երկրի՝ Հայաստան աշխարհի զարգացման ու բարօրության:

### Մանկավարժական համալսարանում շարունակվում են COVID-19 համավարակի տարածման կանխարգելմանն ուղղված միջոցառումները

Մանկավարժական համալսարանում շարունակվում են COVID-19 համավարակի տարածման կանխարգելմանն ուղղված միջոցառումները. բուհի Առաջին բուժօգնության, արտակարգ իրավիճակների և քաղաքաշտպանության ամբիոնի նախաձեռնությամբ այս անգամ ևս պրոֆեսորադասախոսական կազմի համար անցկացվեց տեղեկատվական սեմինար:

Մոր և մանկան առողջության պահպանման գծով համաճարակաբան, ԵՊԲՀ համաճարակաբանության ամբիոնի դոցենտ, բժշկական գիտությունների դոկտոր Մերի Տեր-Ստեփանյանը հանդիպման ընթացքում անդրադարձավ վիրուսի տարածմանը, վարակման հայաստանյան թվերին, դեպքերի կտրուկ աճին, մահվան ելքերին, ինչպես նաև խոսեց պատվաստվելու անհրաժեշտության մասին:

Վերջինս նկատեց՝ մեր երկիրն այսօր գտնվում է վարակի 4-րդ ավիքի գագաթնակետում, արձանագրված մահերի թվով էլ գերազանցում ենք պատերազմի ժամանակ կորուսված թվերին: Այս պայմանավորված մահվան ելքերին սա մտահոգվելու լուրջ առիթ է:

Համաճարակաբանը ներկայեցրեց հորդորեց գերծ մնալ ապատեղեկատվությունից, չտրվել հակապատվաստումային շարժ-

➤2

## Անվանի պրոֆեսորներին ընդունեց ԸՊՄԸ ռեկտորի պաշտոնակատար Աշոտ Խոնեցյանը

Պատմության և հասարակագիտության ֆակուլտետը կազմակերպել է հանրային դասախոսություններ՝ արտասահմանյան հանրահռչակ պրոֆեսորների մասնակցությամբ:

Հոկտեմբերի 18-ին Կալիֆորնիայի համալսարանի (UCLA) պրոֆեսոր Ռիչարդ Յոնիանիսյանը Մանկավարժական համալսարանում հանդես եկավ «Մտորումներ Հայաստանի Առաջին Հանրապետության մասին» թեմայով դասախոսությամբ, իսկ ԱՄՆ Կոնգրեսի գրադարանի հայկական բաժնի վարիչ, Կոլումբիայի համալսարանի Մերձավոր Արևելքի, Հարավային Ասիայի և Աֆրիկայի հետազոտությունների բաժնի դասախոս, պրոֆեսոր Խաչիկ Մուրադյանը ներկայացրեց «Վերապրելու պայքարը Մեծ եղեռնի համակենտրոնացման ճամբարներում» վերտառությամբ դասախոսությունը:

Պրոֆեսորները Մանկավարժական համալսարանում էին ՀՊՄՅ Պատմության և հասարակագիտության ֆակուլտետի համաշխարհային պատմության և նրա դասավանդման մեթոդիկայի ամբիոնի վարիչ, պրոֆեսոր Խաչատուր Ստեփանյանի հրավերով:

Անվանի պրոֆեսորներին ընդունեց ՀՊՄՅ ռեկտորի պաշտոնակատար Աշոտ Խոնեցյանը:

«ՀՊՄՅ 100-ամյակին ընդառաջ անչափ կարևորում և ակնկալում են հանդիպումներ այնպիսի երախտավորների



հետ, որոնք մեծ ներդրում ունեն հայ իրականության մեջ: Ձեզ նման երախտավորների դասախոսություններին ներկա գտնվելը մեծ պատիվ է մեր համալսարանի դասախոսների և ուսանողների համար»,-ասաց Ա. Խոնեցյանը:

Ռեկտորի պաշտոնակատարը խոսեց համալսարանում հրեյկանի ընդառաջ իրականացվելիք բարեփոխումների և նոր ծրագրերի իրականացման տեսլականի մասին՝ այդ գործում ընդգծելով ան-

վանի ու մեծ ճանաչում ունեցող մարդկանց ուղղորդումներն ու դերակատարությունը:

Հյուրերը խոսեցին այցի շրջանակում իրենց առաքելության մասին:

Ռիչարդ Յոնիանիսյանն ասաց, թե ինչ դժվարությամբ է համաձայնվել գալ Հայաստան, բայց ի վերջո հետպատերազմյան ընկճվածությունը տեղի է տվել. «Ի վերջո պետք է ինչ-որ բան փոխվի մեր կյանքում, պետք է հավատալ և վստահել

այս սերնդին, մաև օգնել, որ չլքեն հայրենիքը, մնան Հայաստանում»:

Պրոֆեսորը լիահույս է երիտասարդները ոգի ու կամք ունեն, որպեսզի մնան հայրենիքում:

ԱՄՆ Կոնգրեսի գրադարանի հայկական բաժնի վարիչ, Կոլումբիայի համալսարանի Մերձավոր Արևելքի, Հարավային Ասիայի և Աֆրիկայի հետազոտությունների բաժնի դասախոս, պրոֆեսոր Խաչիկ Մուրադյանն իր ուրախությունը հայտնեց ռեկտորի մոտ հյուրընկալվելու առթիվ և ասաց, որ սա հետպատերազմյան իր առաջին այցն է Հայաստան: Նա խոսեց բոլորին համակած տագնապների մասին, բայց վստահեցրեց՝ ինքը լավատես է և համոզված է, որ այս սերունդը իր բաղձանքների տեսլականը կիրականացնի:

«Մեր բուհը դասական համալսարան չէ, ունի ընդգծված ուղղություն՝ դա մանկավարժությունն է, և մեզնից, մեր պատրաստած կարգերից է կախված, թե ինչպիսին կլինի Հայաստանի ապագան: Ահա ինչու մենք պետք է ամեն ինչ անենք, որ մեր ուսանողը լավ իմանա իր պատմությունը, -ասաց ռեկտորի պաշտոնակատար Աշոտ Խոնեցյանը և հավելեց, -բուհը լավ մերուժ ունի, իսկ համալսարանի Պատմության և հասարակագիտության ֆակուլտետը՝ մաև լավ ավանդույթներ ու կապեր, որ առաջիկայում համագործակցության տարբեր եղբեր են գտնելու՝ հայրենամապատ նպատակադրությամբ և ի շահ Մանկավարժական համալսարանի: Իսկ հայ ինքնությանը նվիրված մարդիկ մեզ ուժ են տալիս, որպեսզի մենք լավատես լինենք ու առաջ նայենք»:

Սիլվա ԱՄՐՅԱՆ



# ԼԱՆՑՅԻՆ ՌԻԶԱՐԴ ՀՈՎՏԱՆՆԻՍՅԱՆԻ ԴԱՍԱԽՈՍՈՒԹՅՈՒՆԸ

Պատմության և հասարակագիտության ֆակուլտետի հրավերով հոկտեմբերի 18-ին Կալիֆորնիայի համալսարանի (UCLA) պրոֆեսոր Ռիչարդ Յոլիանինիսյանը Մանկավարժական համալսարանում հանդես եկավ «Մտորումներ Հայաստանի Առաջին Հանրապետության մասին» թեմայով դասախոսությամբ: Պրոֆեսորի դասախոսությունը ավելի շուտ անկեղծ գրույց էր լսարանում ներկա դասախոսների և ուսանողների հետ: Հայաստանի Առաջին Հանրապետության շուրջ իր մտորումները ներկայացնելու ընթացքում հանրահռչակ պրոֆեսոր Ռիչարդ Յոլիանինիսյանը նաև պատմեց հայերենին տիրապետելու իր ջանքերի, նպատակների ու դրանց իրականացման մասին:

Երբ ավարտեց Կալիֆորնիայի պետական համալսարանը, որևէ համալսարան չկար, որը հայագիտական ամբիոն ունենար կամ որտեղ դասավանդվեին հայագիտական առարկաներ: Ուսուցչի կոչում ստացավ ու որոշեց աշխատելու փոխարեն հայերեն սովորել: Նավով ճամփորդեց դեպի հայաշատ Բեյրութ, առաջին այցելությունն էլ նպատակային էր՝ վարժարան, ուր ծանոթացավ Սիմոն Վրացյանի հետ:

Վերադառնալով Ամերիկա՝ որոշում է զբաղվել հայոց պատմությամբ. ընտրում է Ռուսաց և Միջին Արևելքի, արևմտյան էլ՝ Հայաստանի պատմությունը:

1960-ականներին արդեն դոկտորի կոչում ստացած պատմաբանը դասավանդում էր Լոս Անջելեսի համալսարանի պատմության ֆակուլտետում: Գիտական աշխատանքը Հայաստանի Առաջին Հանրապետության մասին էր:

«Երբ ուսումնասիրեցի իմ երկրի պատմությունը, տեսա որ դա ոչ թե հեղափոխական սերունդների պատմությունն է, այլ ամենամալաստ ժամանակաշրջանը՝ եղեռն, գաղթականներ...»:

Բանախոսն անդրադարձավ Հայոց ազգային խորհրդին, որը հիմնված էր թիֆլիսյան, և թե ինչպես հայության մայրաքաղաք դարձած թիֆլիսից հայությունը վերադարձավ այն ժամանակվա փոքրիկ ու փոշոտ գյուղաքաղաք Երևան՝ այդ փոքր տարածքը հռչակելով մայրաքաղաք:

«Այս սերունդը հերոսական սերունդ էր, որ թողնելով իր ապահով կյանքը թիֆլիսում, Երևանում սկսեց ինչ-որ բան ստեղծել ոչնչից: Աննկարագրելի ծանր պայմաններում, հարյուր հազարավոր գաղթականների առկայությամբ, վարչապետ Յոլիանինսյանը Քաջագունին փորձում էր Երևանի մեջ հիմնել պետություն ցարական և հայ



չինովների հետ բանակցելով»:

Պատմաբանի կարծիքով՝ եթե Արևմուտքը իր խստունը կատարեր՝ պիտի ստեղծվեր միացյալ Հայաստան՝ Արևելյան և Արևմտյան Հայաստանի միացումով:

Առաջին կառավարության ղեկավարները տոգորված էին ժողովրդավարությամբ, եվրոպական առաջադեմ գաղափարներով, կար առաջընթացի ու զարգացման ձգտումը, որը, սակայն տեղի էր տալիս իրականության ու դժվարին պայմանների առաջ. «նվիրյալ սերունդ էր, կարիքները շատ էին, պայմանները՝ դժոխային: Բայց երկուսուկես տարվա ընթացքում եղան բարեփոխումներ, նախարարություններում փորձում էին լեզուն դարձնել հայերեն»:

Արդարադատությունը Հայաստանում ցարական կառավարության տարիներին անարդարության դատավարություն էր, ժողովուրդը չէր վստահում, դատերը ռուսերեն լեզվով էին՝ անհասկանալի գյուղացիների համար: 1920 թվականին Հայաստանի պատմության մեջ առաջին անգամ ստեղծվեց երկվյալ ատենակալների դատարանը. զավեշտալից այն էր, որ հայ փաստաբանները հայերեն բառապաշար չունեին: Բայց մղումը կար, առաջադիմությունը կար:

Հատկապես դժվար էր զինվորական նախարարութ-

յան վիճակը, ուր ռուսական ռազմական ակադեմիաներ ավարտած սպաները բոլորովին չգիտեին հայերեն: Պետք էր և՛ ոգին, և լեզուն հայերեն դարձնել: Շատերի համար խորթ էր մեր ազգային գաղափարախոսությունը»:

Այդ հանրապետությունը սկիզբն էր: Մենք 30 տարի անկախ ենք, բայց տակավին տկարություններ ու թերություններ կան»:

Ռիչարդ Յոլիանինիսյանը հանգամանորեն խոսեց ստեղծված իրավիճակի, դրա պատճառների ու հետևանքների, ինչպես նաև տարվող քաղաքականության մասին, համեմատական գուգահեռներ անցկացրեց 1990-ականների Հայաստանի հետ, երբ մշակույթ կար, գրագիտություն կար, ակադեմիա, հաստատություններ, իսկ 1918 թվականին ոչինչ չկար:

«Ինչով էինք մեղավոր՝ չեն կարող ասել: Դժբախտաբար հայերիս միակ հույսը՝ «միացյալ ազգային պետականությունը կախված էր արևմուտքից, որը բարյացակամ էր մեր հանդեպ խոսքով և նպաստ ուղարկելով, բայց ոչ քաղաքականությամբ: Խոստումները չիրականացվեցին տարբեր պատճառներով»:

Բանախոսը խոսեց Թուրքիայի և Ռուսաստանի քաղաքականության, ժամանակին տիրապետող հայ ազգային կուսակցությունների, մեր տարածքային կորուստների, «սպիտակների» ու «կարմիրների» պայքարի, սովետական կազմի մեջ մտնելու նախապատմությունների ու պատճառների շուրջ:

Հանդիպումն ավարտվեց մեր պատմության այդ շրջանի որոշ կենտրոն հարցերի շուրջ հարց ու պատասխանով:

Տարբեր հարցերին ի պատասխան՝ պրոֆեսորն ասաց, որ «Դժբախտաբար նմանություններ կան 1920 թվականի և այսօրվա իրավիճակի միջև, քանի որ մեր խնդիրը միայն մեր հարևանի հետ չէ», իսկ դիվանագետների մասին խոսելիս՝ նկատեց, որ այն տարիներին ոչ թե ուժեղ դիվանագետներ, այլ ազգային գործիչներ ունեինք. նրանք ավելի ակտիվ էին, քան այսօրվա դիվանագետները»:

Հայերեն սովորելու ամենօրյա ջանքը նվիրում դարձրած ու Սիմոն Վրացյանի 500 էջանոց գիրքը կարդացած Ռիչարդ Յոլիանինիսյանի մտորումներն Առաջին Հանրապետության ցավոտ խնդիրների շուրջ ուղեւոր մտահոգ, նույնքան լեցուն էին Հայաստանի ու Արցախի շուրջ ստեղծված մերօրյա տագնապներով: Այնուամենայնիվ նա ուսանողներին հորդորեց՝ հանձնված են, որ լավ կսովորեք և կզարգացնեք այս երկիրը:

## «Վերապրելու պայքարը Մեծ եղեռնի համակենտրոնացման ճամբարներում»

ԱՄՆ Կոնգրեսի գրադարանի հայկական բաժնի վարիչ, Կոլումբիայի համալսարանի Մերձավոր Արևելքի, Հարավային Ասիայի և Աֆրիկայի հետազոտությունների բաժնի դասախոս, պրոֆեսոր Խաչիկ Մուրադյանը հոկտեմբերի 18-ին Մանկավարժական համալսարանում հանդես եկավ «Վերապրելու պայքարը Մեծ եղեռնի համակենտրոնացման ճամբարներում» վերտառությամբ դասախոսությամբ:

Պրոֆեսորը նույն վերնագրով գիրք է տպագրել, որտեղ խոսվում է Թուրքիայի հայաջինջ քաղաքականության արդյունքում Հայոց եղեռնից մազապուրծ գաղթականների առաջին հանգրվանի՝ փախստականների համակենտրոնացման ճամբարների մասին Սիրիայի և Դեր Զորի միջև գտնվող տարածքում:

«Եղեռնի մասին խոսելիս հաճախ են օգտագործում Դեր Զոր անունն իբրև հոմանիշ, ասաց պրոֆեսորը: Այդ մասին վկայում են պատմական հուշագրությունները, տարբեր աղբյուրներ: Ցավոք, տարիներ շարունակ պատմաբանները եղեռնի մասին խոսելիս կամ գրելիս հիմնականում հայերին ներկայացրել են զոհի կարգավիճակով՝ անտեսելով տարբեր երկրների միսիոներների և հայ մեծահարուստների՝ եղեռնից փրկված ու ճամբարներում հանգրվանած հայերի փրկությանը միտված լայնածավալ աշխատանքը»:

Պրոֆեսոր Խաչիկ Մուրադյանն իր դասախոսության մեջ անդրադարձավ հենց այդ խնդրին՝ Եկրանին ցուցադրելով Արամ Անտոնյանի՝ Սիրիա-Դեր Զոր աշխարհագրական տարածքի և այնտեղ տեղակայված հայերի համակենտրոնացման ճամբարների քարտեզը, այդ տարիներից պահպանված վավերագրական մի շարք փաստաթղթեր՝ մարդկանց անուններ, օգնության ստացականներ և ժամանակի իրադարձություններ մասին վկայող այլ փաստեր:

Թե ինչու 1915-1916 թվականների մասին պատմագրության մեջ վերոհիշյալ հարցի մասին տեղեկություններ չկան, բանախոսը մատնանշեց մի շարք պատճառներ, երբ շեշտը հիմնականում դրվել է թուրքական ուրացումի քաղաքականության վրա, որոշ դեպքերում դրա ազդեցության ներքո հայկական ցեղասպանության որոշ



նյութեր կտրվել են արևմտյան աղբյուրներից, Դեր Զորում կան անկյուններ, որոնք փակ են դիտորդների համար և այլն:

Պատմաբանները ավելի շատ գրել են այն մասին, որ 1,5 մլն հայ Թուրքիայի կողմից տարագրվել է, բնաջնջվել: Այստեղ է, որ անտեսվել է այն փաստը, որ հայերը մի կողմից ենթարկվել են չարի կենտրոնի, մյուս կողմից՝ փրկության:

Միայն բնաջնջման քաղաքականությանն անդրադառնալով պրոֆեսորը համարում է պատմաբանների կողմից ոչ ճիշտ մոտեցում: Նա հանգամանորեն լսարանում ներկա գտնվողներին ներկայացրեց Սիրիայի և Դեր Զորի միջև համակենտրոնացման ճամբարներում գտնվող հայերի կյանքը հնարավորինս փրկելու, նրանց տարբեր ձևերով ու միջոցներով ճամբարներից հանելու, ինչպես նաև նյութական օգնություն ցուցաբերելու բազմաթիվ օրինակներ ու փաստեր, ինչը արվել է թուրք ոստիկան-

ների դաժան ու աշալուրջ հսկողության պայմաններում: Մինչև այժմ էլ Հալեպի եկեղեցիներում պահպանվում են 1915 թվականի օգնության ստացականներ:

Սիրիան առաջին այն վայրը դարձավ, ուր հաստատվեցին բնաջնջումից փրկված հայերը, և Հալեպում շուրջ 10 հազար հայերից կազմված հայկական գաղութ կազմավորվեց: Հենց Հալեպում էլ ստեղծվեցին առաջին հանձնախմբերը՝ գաղթականներին օգնություն ցուցաբերելու համար:

Պրոֆեսորը հանգամանորեն խոսեց նաև այն մասին, թե ինչպես են թուրքերը հալածել հայ գաղթականներին օժանդակող հանձնախմբերում գործող մարդկանց, և դիմադրության այդ մեծ ցանցը, որ ստեղծվել էր գաղթականներին օժանդակելու համար, ստիպված անցավ ընդհատակյա գործունեության:

Կոլումբիայի համալսարանի դասախոս հայազգի Խաչիկ Մուրադյանը համոզված է, որ ճիշտ չէ շեշտադրել միայն ցեղասպանության ընթացքի վայրագությունները՝ չներկայացնելով հայերի պայքարը:

Օրական 500 հայ էր մեռնում այդ ճամբարներում սովից, ցուրտից ու բռնությունից, բայց որքան մարդ էլ փրկվել է դիմադրության ու պայքարի համար գործող ցանցի կամավորների ջանքերի շնորհիվ:

Պատմությունը երբեք չպետք է մոռանա, որ Թուրքիայի կողմից հայերը ենթարկվել են տեղահանության, ցեղասպանության և բնաջնջման, սակայն, մյուս կողմից, պատմագրությունը պետք է անդրադառնա այն գործունեությանը, որ եղել են նվիրյալ հայեր, որոնք մեծ զուսմարներ են ներդրել իրենց հայրենակիցների կյանքերը փրկելու համար: Դեր Զորի Հայկական կաթողիկե եկեղեցին, տարբեր կազմակերպություններ, անհատներ լծվել էին հայերի փրկության գործին, անգամ ասորիներն ու արաբներն էին իրենց տներում թաքցնում հայերին: Նրանցից շատերն սպանվել են, բայց կան հայկական խոսուն աղբյուրներ:

Ամփոփելով իր դասախոսությունը՝ Խաչիկ Մուրադյանն ասաց. «Ես Կոլումբիայի համալսարանում իմ ուսանողներին ասում եմ, որ ցեղասպանությունը վերապրածների սերունդներից է կախված ապագան: Ի՞նչ կլինի ցեղասպանվածների հաջորդ սերունդների ապագան կախված է յուրաքանչյուրիցս: Պետք է վերջ դնել այս երկուսներին ցանկացած գնով ու ցանկացած միջոցներով»:

Մովսես Խորենացու համաշխարհային պատմագրության մեջ բացառիկ արժեք ունեցող «Հայոց պատմություն» կոթողային աշխատությունը թարգմանվել է նաև սերբերեն: Սա կարևոր մշակութային իրադարձություն է հայ և սերբ բարեկամ ու բախտակից ժողովուրդների կյանքում:

Նման կարևորագույն ձեռնարկն իրականացվել է սերբ ժողովրդին անսահման նվիրված դուստր, գրող, թարգմանիչ, արվեստագետ Վեսնա Պեչիչի և Հայաստանում Սերբիայի պատվավոր հյուպատոս Բաբկեն Սիմոնյանի եռանդուն ջանքերով: Մովսես Խորենացու «Հայոց



կանգնեցված է «Հաղթանակ» հսկա արձանը, որը պատկերում է զեղեցիկ մերկ տղամարդու՝ մի ձեռքին սուրը, մյուս ձեռքին՝ խաղաղության աղավաղմուն:

Դիտելով այդ արձանը՝ հիշեցի անմահ Թումանյանի՝ սերբ ժողովրդի մասին ասված հետևյալ խոսքերը. «Բոլոր սլավոն ժողովուրդների մեջ սերբերն ամենազատատենն են»:

Բաբկեն Սիմոնյանը մեզ հանդիպման տարավ Նորին սրբություն Սերբիայի պատվարթ Պորֆիրիի հետ: Վերջինս վարժ խոսուն էր ռուսերեն և հիանալի գիտեր Հայաստանի անցյալ ու ներկա պատմություն:

մեծ և չափազանց փոքր գրքերի հավաքածուներ, եզակի փաստաթղթեր, հրովարտականք, ինչպես օրինակ Նապոլեոն Բոնապարտի մի հրովարտական:

Եղանք նաև Բելգրադ քաղաքի թանգարանում, որը տեղավորված էր քաղաքի կենտրոնում գտնվող իշխանուհի Լյուբիցայի ապարանքում:

XIX դարասկզբին կառուցված ապարանքում որոշակի երևում էր արևելյան ու եվրոպական ոճերի խառնուրդը:

Երևան քաղաքի թանգարանի փոխտնօրեն Լուսինե Ամիրջանյանը Բելգրադ քաղաքի թանգարանի տնօրենի հետ պայմանավորվեց հետագա համագործակցության համար:

Չնայած Բելգրադում գտնվելու 6 օրերի ընթացքում ամեն օր անձրևը տեղում էր առանց կտրվելու, սակայն մեզ հյուրընկալողների ջերմությունը զգացնել չտվեց հայերի համար ոչ սովորական բնության այդ երևույթը:

Եղանք նաև Սերբիայի պատմության ազգային թանգարանում, որում պատմական ցուցանմուշներից բացի, առանձին սրահներում ներկայացված էին Սերբիայի հին և նոր մշակույթի նմուշները, ինչպես նաև եվրոպական նկարիչների, օրինակ, Պիկասոյի կտավները: Ազգային պատմական թանգարանի շենքը ճարտարապետական ուշագրավ կառույց էր:

Մեզ օգնականակայանում դիմավորեցին Բաբկեն Սիմոնյանը և «Համի առեկլեի» տնօրեն Ջորապկո Յովիչը, որոնք մեզ տարան ուղիղ իրենց առեկլե, ուր մի խումբ սերբ մտավորականների հետ եղավ առաջին ջերմ հանդիպումը և ընտիր հյուրասիրությունը: Մենք միանգամից մեզ զգացինք Հայաստանում՝ մեր տանը:

Գեղեցիկ քաղաք է Բելգրադը: Նախավերջին օրը Բելգրադի հեռուստատեսությունից հարցազրույց եղավ իմ և Աշոտ Մելքոնյանի հետ: Մենք պատմեցինք մեր տպավորությունների մասին: Հարցազրույցը վարում էր հայ ժողովրդի մեծ բարեկամ Վեսնա Պեչիչը, որը գիրք է գրում Հայաստանի ու հայերի մասին:

Աելիտա ԴՈԼՈՒԽԱՆՅԱՆ

ՄՈՎՍԵՍ ԽՈՐԵՆԱՑՈՒ «ՀԱՅՈՑ ՊԱՏՄՈՒԹՅԱՆ» ՍԵՐԲԵՐԵՆ ԹԱՐԳՄԱՆՈՒԹՅԱՆ ԸՆՈՐՀԱՆԳԻՆՍԵ ԲԵԼԳՐԱԴՈՒՄ

պատմություն» գրքի շնորհանդեսին մասնակցելու համար Հայաստանից հրավիրվել էին ՀՀ ԳԱԱ Պատմության ինստիտուտի տնօրեն ակադեմիկոս Աշոտ Մելքոնյանը, ՀՀ ԳԱԱ թղթակից անդամ, Խ. Աբովյանի անվան ՀՊՄՀ հայ հին և միջնադարյան գրականության և նրա դասավանդման մեթոդիկայի ամբիոնի վարիչ Աելիտա Դոլուխանյանը, որը խորենացու պատմության մասնագիտական առաջաբանի հեղինակն է, նաև Երևան քաղաքի թանգարանի փոխտնօրեն Լուսինե Ամիրջանյանը:

Բաբկեն Սիմոնյանը հսկայական ջանքեր է գործադրում հայ-սերբական գրական և մշակութային կապերն ամրապնդելու գործում: Նա սերբերենին տիրապետում է մայրենիի մակարդակով և տաղանդավոր թարգմանություններ է կատարում սերբերենից հայերեն, հայերենից սերբերեն: Դրան հատկապես նպաստում է նրա քաջահմուտ բանաստեղծ լինելն ու բանաստեղծական լիանգիս բնատուր տիրապետելը:

Խորենացու «Հայոց պատմություն» գրքի շնորհանդեսը տեղի ունեցավ շքեղ պալատի դահլիճում, զարդարված թարմ ծաղիկներով ու Հայաստանի Հանրապետության դրոշմով:

Հանդիսության սկզբում և վերջում՝ հյուրասիրության հատվածում, հնչում էին Շառլ Ազնավուրի երգերը: Այդ շքեղությունն, անշուշտ, ապահովել էր Հայաստանի դեսպանը՝ Աշոտ Հովակիմյանը, որն առաջինը հանդես եկավ բացման խոսքով: Հավաքվածներին ջերմորեն ողջունեց Վեսնա Պեչիչը, որի «Պեչիչ և որդիներ» հրատարակչությանն ենք պարտական գրքի թարգմանության և իրատարակման համար: Հիանալի սերբերենով ելույթ ունեցավ Բաբկեն Սիմոնյանը, որը խոսեց թարգմանության ընթացքում իր կատարած դերի մասին, այնուհետև խոսեց թարգմանության առաջաբանի հեղինակ Ա. Դոլուխանյանը, և ամփոփման խոսքով հանդես եկավ Աշոտ Մելքոնյանը, որի խոսքին դահլիճը արծազանքեց բուռն ծափահարություններով:

Ուշագրավ էր, որ սկզբում երիտասարդ ու զեղեցիկ սերբ դերասանուհին թատերականացված ձևով հատված ներկայացրեց «Հայկ և Բել» առասպելից:

Ողջ երեկոն ընթացավ հայ և սերբ մտավորականների անկեղծ ջերմության ու փոխըմբռման մթնոլորտում:

Վեսնա Պեչիչը և Բաբկեն Սիմոնյանը այնպես էին կազմակերպել, որ Երևանից ժամանած

երեք մտավորականները ծանոթանային Բելգրադի տեսարժան վայրերին, նաև մասնակցեին Հայաստանի մշակույթի օրերին Բելգրադում: Հոկտեմբերի 7-ին մասնակցեցին միջազգային կինոփառատոնի, որի ժամանակ անվանի կինոբեմադրիչ Գարեգին Ջաքոյանը ներկայացրեց Սերգեյ Փարաջանովի «Կամուրջ» դրվագներ պատմելով նրա կյանքից: Գորբաչովյան պրեստրոյկայի մասին Փարաջանովն ասել է. «Ես պրեստրոյկայի ցուցափեղկն եմ»: Նա ցուցադրեց իր գրքերը՝ նվիրված Փարաջանովին: Ի թիվս այլ ֆիլմերի՝ «Նամակներ բանտից», «Ավետյաց երկիր», «Նաղաշ Հովնաթան» և այլն, ցուցադրվեց նաև Փարաջանովի՝ հին Թիֆլիսին նվիրված ֆիլմը:

Մենք եղանք Բելգրադի հին ամրոցում, որտեղ տեսանք 17-18-րդ դարերի երեք հայկական գերեզմանաքարեր և մեկ 17-րդ դարի խաչքար: Շատ տպավորիչ էր, որ ընդամենը մի քանի տարի առաջ կառուցված Սուրբ Մավայի անվան շքեղաշուք տաճարի մետաղյա դռան վրա կար հայաստան մեծ արծազանգի արձան, որը դիմում էր առ Աստված: Այդ տաճարը Բալկանների ամենամեծ եկեղեցին է:

Բելգրադի հին ամրոցում

Ուսանողի օրագրից

«Նեստ հայացք դեպի սեպտեմբերի 27»

Կիրակի էր, բայց սովորության համաձայն՝ առավոտյան 8-ին չէի արթնացել, հիշում եմ, աչքերս բացելուն պես քույրս մտավ սենյակ. «Բնել ես, պատերազմ է»: 10 վայրկյան էր պետք սառչելու, ընկալելու համար սասձը, շարունակեց. «Ժամը 7-ից կրակում են, ու էս հերթական կրակոց չի, երկար ա տևելու»:

Քարացած կամ այնպես, ինչպես միշտ՝ անտարբեր, վերցրի հեռախոսս, որ տեսնեմ՝ ինչ է ասում քույրս: Շիշտ էր... Կեսօրին հեռախոսիս զանգ եկավ, 097... սկսեցի դողալ, պատասխանեցի, պարզ լսվում էին կրակոցի ձայները, անգիր հիշում եմ ինչ էի զգում: Ու ամբողջ պատերազմի ընթացքում այդ զգացումն եմ ունեցել, քարացած էի կամ ոչինչ չէի հասկանում, կամ հակառակը՝ շատ էր հասկացածս: Պատերազմի իրական լինելն ընկալեցի միայն այն ժամանակ, երբ ընկերներիցս մեկի անունը տեսա ցուցակում, հետո՝ երկրորդինը, երրորդինը... Իսկ այսօր, այդ

դաժան դեպքից 1 տարի անց, համակերպված ապրում ենք, կամ ապրում ենք, որ համակերպվենք, չգիտեմ: Զգացմունքային ժամանակներից անցում կատարելով ներկայիս իրականությանը՝ մեզ մնում է միայն հիշել ու հարգել բոլոր նրանց, ովքեր կռվեցին, պայքարեցին, զոհվեցին:

Սեպտեմբերի 27-ին Հայաստանում և Արցախում հայտարարվեց լռության րոպե՝ ի հիշատակ 2020 թվականի 44-օրյա պատերազմում զոհվածների: Արցախի բոլոր եկեղեցիներում հոգեհամբազության կարգ մատուցվեց, Մայր տաճարում ներկա էր նաև Արցախի նախագահ Արայիկ Հարությունյանը, նրա առաջնորդությամբ երթ անցկացվեց դեպի Ստեփանակերտի հուշահամալիր՝ Եղբայրական գերեզմանատուն, որտեղ ամփոփված են Արցախյան պատերազմների զոհերի աճյունները: Միջոցառումներին Հայաստանից ժամանած պաշտոնյաներ չկային: Մարդկային հոսքը չի դադարել դեպի «Եռաբլուր»:

ծնողները, բարեկամները, հարազատները այցելում էին իրենց հերոսների շիրիմներին: «Եռաբլուր» զինվորական պանթեոն է այցելել ՀՀ վարչապետ Նիկոլ Փաշինյանը՝ առանց կառավարության անդամների: Այնուհետև, ՀՀ ԱԾ նախագահ Ալեն Սիմոնյանը, ՀՀ պաշտպանության նախարար Արշակ Կարապետյանը, փոխվարչապետ Սուրեն Պապիկյանը և այլ բարձրաստիճան պաշտոնյաներ իրենց հարգանքի տուրքն են մատուցել: Աղբյուրանում մույնպես անցկացվեց հիշատակի երթ նախագահ Իլիան Ալիևը և նրա կինը՝ Մեհրիբան Ալիևան, մասնակցել են մայրաքաղաք Բաքվում ընթացող երթի, որից հետո Ալիևը դրեց Հայրենական պատերազմի հուշարձանի և Հաղթանակի թանգարանի հիմքերը: Ֆրանսիական հեռուստաընկերությունը տված հարցազրույցում Աղբյուրանի նախագահը մեկ անգամ և նշել է, որ դարաբաղյան հիմնախնդիրը մեկընդմիջտ լուծված է: Դրա հետ մեկտեղ, Ալիևը հերքել է պնդումները, թե Աղբյուրանը տարածքային պահանջներ ունի Հայաստանից: Սակայն այս ամենին զուգահեռ սեպտեմբերի 28-ին՝ ժամը 11:30-ի սահմաններում հայ-ադրբե-

ջանական սահմանի Գեղարքունիքի մարզի Կոթ գյուղի մարտական դիրքերի ուղղությամբ ադրբեջանական ՋՈՒ ստորաբաժանումների կողմից արձակված կրակոցից բազկի հատվածում հրազենային վիրավորում է ստացել զինծառայող, շարքային Գառնիկ Մնացականի Արա-համյանը:

Հիշեցնենք, ըստ պաշտոնական տվյալների՝ հայկական կողմից 3 հազար 781 մարդ է զոհվել այս պատերազմում, որից 80-ը՝ քաղաքացիական անձ, մինչ օրս ադրբեջանական զորության մեջ են հայեր, վերադարձել են 108-ը, 253 անձ համարվում է անհետ կորած: 80 քաղաքացիական զոհերից 68-ը տղամարդիկ են, 12-ը՝ կանայք: 52 քաղաքացիական անձ սպանվել է բնակության վայրում, 15-ը՝ հասարակական վայրում, 11-ը՝ աշխատանքի վայրում, 1 հոգի՝ ադրբեջանական բանտում: Քաղաքացիական զոհերի թվում մեծամասնությունն են կազմում 63 և ավելի տարիք ունեցող անձինք:

Սյուզաննա ԽԱՄՈՍՅԱՆ  
ՀՊՄՀ լրագրության բաժնի 2-րդ կուրսի ուսանողուհի  
27.09.2021թ.

# Հայ ինքնության քարտե ամեն հայի «անձնագիրն» է դառնալու, վստահեցնում են բարերարները

Հայ ինքնության քարտե (HayelD) շահույթ չհետապնդող կազմակերպությունը հայա-նպաստ գործունեություն է ծավալում Հայաստանում և նրա սահմաններից դուրս: Հոկտեմբերի 8-ին Երևանում կազմակերպությունը բացեց աշխատանքային գրասենյակ, որին ներկա էին տարբեր ոլորտի ներկայացուցիչներ, պաշտոնատար անձինք:

Կազմակերպությունը նպատակ ունի աշխարհի հայերի ներուժի միավորմամբ աջակցել

ընդ պետք է տարածվի ամենուր, Սփյուռքի հայերի նվիրվածությունը պետք է վարակի նաև Հայաստանում ապրող հայերին, ողջունելով հայ բարերարների նախաձեռնությունը, ասաց ՀՊՄՀ ղեկավար Աշոտ Խոնեցյանը: Շուտով իր 100-ամյակը կբոլորի Հայկական պետական մանկավարժական համալսարանը, որն զբաղվում է կրթության ոլորտի համար կադրեր պատրաստելով և որի հիմքում մշտապես եղել է հայ ինքնության ու հայրենասիրության գաղափարը, որը հայ



Հայաստանի ամենատարբեր ոլորտների գործազմանը, «մեկ հարթակում շփումների, հարցումների ու հանրաքվեների միջոցով լսել նրանց կարծիքներն ու տեսակետները թե՛ աշխարհի հայերին հետաքրքրող ընդհանուր հարցերի, թե՛ տարբեր երկրներում հայկական համայնքների համար առանձնահատուկ հետաքրքրության առարկա հանդիսացող խնդիրների շուրջ»:

«Հայ ինքնության քարտե» հնարավորություն է տալիս HayelD ցանցի ներսում ստեղծել գործարար խմբեր, իսկ քարտատերերին՝ մասնակցել տարբեր բարեգործական ծրագրերի, ստանալ բիզնես զեղչեր: Տարբեր հնարավորություններ ընձեռող համաշխարհային ցանցի միջոցով փորձ կարվի նաև ստեղծել Սփյուռքի հայկական խորհրդարան:

Յուրաքանչյուր հայ իրեն պետք է զգա Հայկական աշխարհի լիիրավ քաղաքացի, Հայկական ինքնության քարտե ամեն հայի «անձնագիրն» է,-ասում են գործարարները:

Ելույթ ունեցան կազմակերպության հոգաբարձուների խորհրդի անդամներ Հասմիկ Սարգսյանը և Ռազմիկ Ղարախանյանը:

Աշխատասենյակի բացմանը հրավիրված էր և ելույթ ունեցավ նաև ՀՊՄՀ ղեկավար Աշոտ Խոնեցյանը:

«Հայ ինքնության գաղափար

ժողովրդի գոյատևման կարևորագույն նախապայմանն է»:

Ռեկտորը խորին շնորհակալություն հայտնեց բարերարներին, որոնք իրենց առաջին քայլերով արդեն ոգեշնչեցին և նախանշեցին համալսարանի հետ համագործակցության ուղիները:

Հավելենք, որ հոգաբարձուների խորհրդի անդամներ Լոս Անջելեսի Իրանահայ միության նախագահ Թոմաս Ալեքսանյանը և HayelD կազմակերպության նախաձեռնող խմբի անդամ Ռազմիկ Ղարախանյանը նախորդ օրն այցելել էին Խաչատուր Աբովյանի անվան հայկական պետական մանկավարժական համալսարան, հանդիպել բուհի ղեկավարի պաշտոնակատար Աշոտ Խոնեցյանին, ինչպես նաև այցելել Կուլտուրայի և Գեղարվեստական կրթության ֆակուլտետներ:

Կուլտուրայի ֆակուլտետում նրանք մասնակցեցին պարավեստի մանկավարժության և նրա դասավանդման ամբիոնի վարիչ Կարեն Գևորգյանի պարի փորձին, լսեցին Արա Գևորգյանի ղեկավարած ամբիոնի նվագախմբի կատարումները, իսկ Գեղարվեստական կրթության ֆակուլտետում ծանոթացան բուհի դասախոսների և անվանի շրջանավարտների արվեստի ստեղծագործությունների բացառիկ թանկարժեքները:



## ՄԵՐ «ՀԱԶՈՂՈՒԹՅԱՆ ԲԱՆԱԶԵՎԸ»

Թեքեյան մշակութային միության նախաձեռնությամբ Թեքեյան կենտրոնում հոկտեմբերի 8-ին կայացավ հերթական՝ 27-րդ ամենամյա մրցանակաբաշխությունը:

Վահան Թեքեյան մշակութային միությունը հիմնադրվել է Բեյրութում 1947 թվականին, իսկ միջազգային մրցանակաբաշխությունն անցկացվում է 1991 թվականից: Տարիներ ի վեր «Վահան Թեքեյան» մրցանակին են արժանացել մշակույթի ու գիտության տարբեր ասպարեզների ավելի քան 100 մշակավոր գործիչներ, այդ թվում՝ բանաստեղծներ Սիլվա Կապուտիկյանը, Լյուդվիգ Դուրյանը, Հրաչյա Թամրազյանը, զեղանկարիչներ Վարուժան Վարդանյանը, Ռուբեն Աբովյանը, քանդակագործներ Եմիլ Գազազը, Լևոն Թոքմաջյանը, երաժիշտներ Օհան Դուրյանը, Տիգրան Մանսուրյանը, Ռուբեն Հախվերդյանը, Ջիվան Գասպարյանը, Կոնստանտին Օրբելյանը, դերասաններ Վարդան Պետրոսյանը, Երվանդ Մանարյանը, լրագրողներ Հակոբ Ավետիսյանը, Արթուր Բախտամյանը, գրողներ Լևոն Խեչոյանը, Սարգիս Վահագը և այլք:

Այս տարի մրցանակներ շնորհվեցին 6 անվանակարգում՝ Գրականություն, Հայագիտություն, Գեղարվեստական լուսանկարչություն, Կերպարվեստ, Լրագրություն և Թատերական արվեստ: Մրցույթին հայտ ներկայացրած 70 մասնակցից համընթացող ընտրել էր լավագույններին:

«Լրագրություն» անվանակարգում «Վահան Թեքեյան» մրցանակը շնորհվեց Մանկավարժական համալսարանի Լրատվության և հանրության հետ կապերի վարչության պետ Դիանա Մարկոսյանին՝ «Հաջողության բանաձև» հաղորդաշարի համար, որը հեռարձակվում է ԱԹՎի հեռուստաընկերության եթերով: Մրցանակը հանձնեց լրագրության մրցույթի հանձնաժողովի նախագահ, ՀՀ վաստակավոր լրագրող, «Ազգ» օրաթերթի գլխավոր խմբագիր, պրոֆեսոր Հակոբ Ավետիսյանը: Նա նախ իր զար-

մանքը հայտնեց, որ լրագրողների ներկա բազմազանության մեջ բավականին քիչ հայտեր են ստացվել, որից ընտրել են երկուսը՝ կենտրոնական Եվրոպան ներկայացնող և Պրահայում տպագրվող «Օրեր» ամսագրի գլխավոր խմբագիր Հակոբ Ասատրյանը և «Հաջողության բանաձև» հաղորդաշարը, որի խմբագիրն ու պրոդյուսերն է Դիանա Մարկոսյանը:

Հ. Ավետիսյանը Դիանա Մարկոսյանին բնութագրեց որպես լրագրության ասպարեզում բավականին մեծ ճանապարհ անցած «հին և հնագույն» լավ իմաստով, ճանաչված և դասական լրագրող, ով ներկայացնում է մաքուր լրագրություն, դասական մոտեցում ցուցաբերում լրագրությանն ու հաղորդաշարին՝ նյութը ներկայացնելով առանց զարդարանքների: Արդեն մեկ տասնամյակ է, ինչ նա ղեկավարում է ՀՊՄՀ-ի համապատասխան ստորաբաժանում աշխատանքները, ունի դասավանդման մեծ փորձ:

Վերջինս տարբեր արվեստագետների մասին Դ. Մարկոսյանի պատրաստած հաղորդումները լրագրության ասպարեզում համարեց օրինակելի: Հակոբ Ավետիսյանը նաև բարձր գնահատեց հաղորդաշարի ստեղծագործական խմբի «Ձմեռվան արվեստում» ֆիլմը՝ որպես հաջողված նախագիծ, որը բացահայտում է կինոաշխարհում 1960-ականների հայ մշակույթի պատմության ոսկեդարի հետաքրքիր շերտերը:

«Շատ շնորհակալ եմ, այս մրցանակը պարտավորեցնող և պատասխանատու է, որովհետև մեզինքն առաջ այնպիսի երախտավորներ են ստացել, նաև պարտավորեցնող է նրա համար, որ մրցանակն ստանում են մի մարդու ձեռքից, ով մշտապես կանգնած է եղել մեր երկրի լրագրության ակունքներում, կարելի է ասել մեր մանուկի ռահվիրաներից է»,-ասաց Դիանա Մարկոսյանը:

Նա նաև իր շնորհակալության խոսքն ուղղեց Մանկավարժական համալսարանի ղեկավարությանը, որ 6 տարի առաջ վստահեց, հավատաց իր ուժերին և վստահորեն

ներդրում արեց, և հաղորդումը կայացավ:

«Այսօր մեր հաղորդաշարը հեռարձակվում է հանրապետության երեք տարբեր կողմնորոշում ունեցող հեռուստաալիքներով, ինչը մշակույթում է, որ հեռուստաընկերությունները գնահատել են հաղորդման գիտակրթական բաղադրիչը»,- հավելեց հաղորդաշարի հեղինակը:

Եվ թերևս առանց թիմի ստեղծագործական աշխատանքի հաղթանակի բերկրանքը չէր լինի, եթե «Հաջողության բանաձև»-ում իրենց լավագույն չորսնորսին պրոֆեսոր Գևորգյանը, օպերատոր Հրայր Սիրականյանը, մոնտաժող, ռեժիսոր Արթուր Փարսյանը և Դիանա Մարկոսյանի ուսանողուհին՝ հաղորդավար Սուսիմա Խաչատրյանը: Թիմի կազմակերպված աշխատանքի արդյունքում է Դիանա Մարկոսյանը ներկայացրել իր և Մանկավարժական համալսարանի հաջողության բանաձևը:

Մյուս անվանակարգերում «Վահան Թեքեյան» մրցանակներ շնորհվեցին ՀՀ արվեստի վաստակավոր գործիչ, ՀՊՄՀ-ի ռեժիսուրայի ամբիոնի վարիչ, պրոֆեսոր Արմեն Էլբակյանին՝ «Թռչչեց կկվի բնի վրայով» բեմադրության համար («Թատերական արվեստ» անվանակարգում), ՀՀ ժողովրդական նկարիչ Անատոլի Ավետյանին՝ «Էրեբունի-Երևան-2800» ստեղծագործության համար («Կերպարվեստ» անվանակարգում), Արմեն Ենգոսյանին՝ «Գյուղական էսքիզներ» շարքի և Ջավեն Խաչիկյանին՝ «Անվերնագիր պատերազմ» շարքի համար («Գեղարվեստական լուսանկարչություն» անվանակարգում), բանաստեղծ Արտավազ Եսայանին՝ «Արվարձան» և «Ուղեփակոց» բանաստեղծական ժողովածուների համար («Գրականություն» անվանակարգում), Արմեն Եղիազարյանին՝ «Աշոտ Գ Ողորմած թագավոր հայոց» ժողովածուի համար («Հայագիտություն» անվանակարգում):

# ԱԶԷԶԷՆ ԱՄԵՐԻԿԱ ԵՒ... «ՍՓԻՒՌ» ԳԻՏԱՈՒՍՈՒՄՆԱԿԱՆ ԿԵՆՏՐՈՆ

Հոկտեմբերի 7-ին Խ. Աբովեանի անունի Հայկական Պետական Մանկավարժական համալսարանի «Սփիւռք» Գիտաուսումնական կենտրոնը հիւրընկալել էր վաստակաշատ մանկավարժ, գրող, Նիւ Եորքի Սրբոց Նահատակաց ամենօրեայ վարժարանի երկարամեայ տնօրէն Զարմինէ Պողոսեանին:

Վաչէ Պարտիզունու ան. հայ նոր եւ նորագոյն գրականութեան եւ նրա դասաւանդման մեթոդիկայի ամբիոնի վարիչ, «Սփիւռք» Գիտաուսումնական կենտրոնի տնօրէն պրոֆ. Սուրէն Դանիէլեանը, նախ, ներկայացրեց Զարմինէ Պողոսեանի անցած ճանապարհը՝ նկատելով, որ պատահական չէ, որ նա հենց այստեղ՝ Մանկավարժականում է. Զ. Պողոսեանն իր ողջ գիտակցական կենսաբանութեամբ և սերունդներ կրթելու առաքելութեամբ: Ս. Դանիէլեանն ընդգծեց, որ բազում մրցանակներ ստացած Զ. Պողոսեանն արժանացել է Մայր Աթոռ Սուրբ Էջմիածնի «Սուրբ Սահակ-Սուրբ Մեսրոպ» շքանշանին, որը նրա մանկավարժական գործունէութեան արժեւորող ամենաբարձր գնահատականն է: Նա նկատեց, որ Սփիւռքում ապրող եւ հայկական դպրոցում դասաւանդող ուսուցչի աշխատանքը կրկնակի բարդ է. դա ամենօրեայ անդուլ պայքար է հայկական ինքնութեան, հայոց լեզուի, հայ երեխային հայ պահելու համար, եւ Զ. Պողոսեանը օտար մարտահրաւերներից չընկրկող պայքարի առաջամարտիկներից է, հայ մշակոյթի համար անզիջուն կռուող զինուոր. «Զարմինէ Պողոսեանի ման նուիրեալ մտաւորականների հետ համոզմունքները զօրացնում են նաեւ մեզ, գիտելիք եւ ուժ փոխանցում», -յաւելեց նա: Իր խօսքի վերջում Ս. Դանիէլեանը հպարտութեամբ նշեց, որ «Սփիւռք» Գիտաուսումնական կենտրոնի վերջին հրատարակութիւնը հենց Զարմինէ Պողոսեանի «Ազգէն Ամերիկա» հատորն է, որի շնորհանդէսը տեղի ունեցաւ վերջերս թեքէան Մշակութային Սիւրբիւնում:

Հայ նոր եւ նորագոյն գրականութեան ամբիոնի ղոցեմտ, «Ազգէն Ամերիկա» գրքի խմբագիր Քնարիկ Աբրահամեանը խօսեց Զ. Պողոսեանի գրքի հիմնական շեշտադրումների մասին: Նա նկատեց, որ այստեղ Զ. Պողոսեանի մանկութիւնն է՝ Ազգ գիւղաքաղաքից մինչեւ Ամերիկա ձգող մարդու անցած ճանապարհը, ճակատագիրը: Չնայած գրողը երկար տարիներ Ամերիկայում է բնակուում, սակայն



թիններում: Իր յուշագրական, հրապարակախօսական աշխատանքներում Զ. Պողոսեանը փորձում է երկխօսել նրանց հետ, նորից վերապրեցնել մեր գրական հին մթնոլորտը:

Քն. Աբրահամեանն ընդգծեց, որ բանասիրական բաժանմունքի ուսանողների համար այս համոզմունքը իրատեսակ փորձառութիւն է, քանի որ նրանք կը ծանօթանան եւ սփիւռքահայ մանկավարժութեան առանձնապատկերներին, եւ այսօր արեւմտահայերէնով գրող եւ ապրող գրագէտի հետ:

Հետաքրքիր զեկոյցով հանդէս եկավ բանասիրական բաժանմունքի 4-րդ լսարանի ուսանողուհի Աննա Կոստանեանը, իսկ Մագիստրատուրայի 2-րդ լսարանի ուսանողուհի Հայկանուշուհի Մարգարեանը զեղեցիկ անակնկալ էր պատրաստել հայկական պոեզիային անմնացորդ սիրահարուած Զ. Պողոսեանին: Նա կատա-



Ազգը շարունակում է ապրել. տարիների հեռուից յիշատակները չեն մոխրանում: Ծննդավայրը մնում է Զ. Պողոսեանին սնուցող երակը, որտեղից սկիզբ են առնում եւ ծիւղաւորում են նրա կեանքի հիմնական դրուագները: Կեանքի ուրուագծումների այս կերպը մենք տեսել ենք Ա. Ծառուկեանի, Վ. Շուշանեանի, Գ. Մահարու, Ստ. Զօրեանի ստեղծագործու-

րեց Սիլվա Կապուտիկեանի բանաստեղծութեան հիման վրայ գրուած «Ասում են թե» երգը: Զ. Պողոսեանի արցունքները առաւել քան խօսում էին. անակնկալը ոչ միայն ստացուել էր, այլեւ՝ խորապէս յուզել:

Զ. Պողոսեանին իր ողջոյնի եւ շնորհակալական խօսքը յղեց նաեւ բանասիրական բաժանմունքի փոխդեկան, հայ

նոր եւ նորագոյն գրականութեան ամբիոնի ղոցեմտ Նահրա Խաչատրեանը: Նա խոստովանեց, որ չնայած իր մանկավարժական երկարամեայ փորձին՝ այս համոզման ընթացքում նոր բաներ սովորեց բազմափորձ եւ գիտակ մանկավարժից: Իր խօսքը Ն. Խաչատրեանն եզրափակեց Համօ Սահեանի բանաստեղծութեամբ՝ ներկայանալով փոխանցելով մարդկանց նկատմամբ անսահման սիրով եւ հաւատով լցուած տաղանդաշատ բանաստեղծի պատգամը:

Հանդիպման ասարտին խօսք առաւ Զարմինէ Պողոսեանը: Նա, նախ, շնորհակալութիւն յայտնեց Ս. Դանիէլեանին ման ջերմ եւ մտերմիկ միջավայրում՝ «Սփիւռք» Գիտաուսումնական կենտրոնում, հանդիպումը կազմակերպելու համար: Գրքի հեղինակը յուզմունքով նշեց, որ նման գրոյցները, յիշատակներ են, որ ապրեցնում են իրեն, ստեղծագործելու եւ պայքարելու ուժ ու կորով տալիս: Ապա Զ. Պողոսեանը, իրեն յատուկ անմիջականութեամբ, ապագա ուսուցիչների հետ կիսուեց իր մանկավարժական հարուստ փորձով՝ մանրամասն ներկայացնելով Սփիւռքում գործող իսրայէլական դպրոցների առջեւ ծառայած խնդիրները, մանկավարժական աշխատանքի իւրապատկութիւնները, որոնք եակնօրէն տարբերում են Հայաստանի կրթական փորձից: Հանդիպումը ակտիւ շատ անկեղծ գրոյց էր, բազմակատակ ուսուցչի փորձի եւ գիտելիքի փոխանցումը ապագա ուսուցիչներին: Զ. Պողոսեանը խօսեց նաեւ մանկավարժական աշխատանքի դժուարութիւնների մասին. խոստովանեց, որ իր համար շատ ծանր էին արցախեան պատերազմի օրերը՝ լացի, յուսահատութեան, ցաւի եւ կորուստի օրեր էին ողջ հայութեան համար, սակայն մանկավարժը պէտք է տոկուն լինի, ցոյց չտայ իր յուսահատութիւնը, այլ ժպիտով եւ լաւատեսութեամբ պէտք է հաւատ ներշնչի ապագայի հանդէպ:

Դիմելով ուսանողներին՝ Սփիւռքում ապրող եւ սերունդներ կրթող ուսուցիչն ընդգծեց մի կարեւոր հանգամանք եւս. ամբողջ աշխարհում ցրուած հայութիւնը մէկ ամբողջութիւն է, եւ մանկավարժի սրբազան պարտքն է, իբրեւ մէկ ընդհանուր մարմին, հաստատուն պահել հայութեան ողնաշարը՝ անկախ այն հանգամանքից, թէ որտեղ ենք ապրում՝ Ազգում, Պէրուում, Լոս Անճելըսում, Նիւ Եորքում, թէ որտե՛ւ այլ քաղաքում:

Ապա Զ. Պողոսեանը ներկայանալով նուիրեց իր «Ազգէն Ամերիկա» հատորից 30 օրինակ:

**«Սփիւռք» Գիտաուսումնական կենտրոնի լրատուութիւն**

## ՀԱՄԱԳՈՐԾԱԿՅՈՒԹՅԱՆ ՇՐՋԱՆԱԿՈՒՄ

2018 թվականից մինչև օրս ՀՀՄՄՀ և ՌԴ «Ստեղծիչներ» չտեսնող-չլսողների հիմնադրամի միջև կնքված պայմանագրի շրջանակներում Հատուկ և ներառական կրթության ֆակուլտետը գիտամեթոդական, մանկավարժահոգեբանական ուղղություններով ակտիվ համագործակցություն է իրականացնում: Նշված ժամանակահատվածում ֆակուլտետում 2 մագիստրոսներ գիտական ղեկավարների հետ միասին մասնակցել են «Наставники и ученики» նախագծին և արդյունքում ռուս գործընկերների համադեկավարությամբ պաշտպանել են մագիստրոսական ատենախոսությունը:

Համագործակցության շրջանակը փաստում է այն մասին, որ լայնորեն իրականացվող հոգեբանամանկավարժական մոտեցումները զարգացման բարդ և բազմակի խանգարումներ ունեցող անձանց հետ կիրառելի են նաև մեր երկրում, ինչն էլ առավել արդիական է համընդհանուր ներառականության

պայմաններում:

Պետք է նշել, որ խնդիրների մեկնաբանումը ենթադրում է մանկավարժական գործիքակազմի կիրառում, որտեղ առավել քան կարևորվում է այդ անձանց սոցիալ- մշակութային, ազգային առանձնահատկություններն ու առաջարկվող գործիքակազմի արժեքը:

2021 թվականի հոկտեմբերի 7-11-ը Մոսկվայում ևս կայացավ «Ստեղծիչներ» չտեսնող-չլսողների հիմնադրամ ակադեմիայի կողմից կազմակերպած «Science Slam» գիտական քննարկումը, որին մասնակցում էին ՀՀՄՄՀ հատուկ մանկավարժության և հոգեբանության ամբիոնի հայցորդ Անուշ Ասլանյանը, գիտ. ղեկավար, մ.գ.թ., ղոցեմտ թերեզա Ազատյանը, 2-րդ կուրսի մագիստրոս Լիդա Սեսաձեն և գիտ. ղեկավար մ.գ.թ., պրոֆեսոր Սիրանուշ Կարապետյանը:

Ներկայացվեց գիտական աշխատանքների ընթացքը, ակնկալվող արդյունքները, բարձրացվեցին բազում

հարցեր, ինչպես նաև քննարկվեցին աշխատանքների հետագա ընթացքի կատարման եղանակները: Ծրագիրն առաջիկայում ենթադրում է համայնքային

հետազոտությունների մոդելի ներդրում, միջազգայնացում՝ ՀՊՄՀ համագործակցության շրջանակներում:

**Հատուկ և ներառական կրթության ֆակուլտետ Մանկավարժության և հոգեբանության ամբիոն**





### «Թայրոնի և կինոյի գործիքները պարբեր են, պետք է ամեն ինչ սկսել պրոյեկտից՝ չփորձել նմանակել ինչ-որ մեկին», - ասում է Դավիթ ՅԱԿՈՒԲՅԱՆԸ

«Մինչ այսօր կասկածում եմ՝ արդյո՞ք ճիշտ մասնագիտություն եմ ընտրել, բայց այն միտքը, որ ես երջանիկ եմ, ստիպում է ինձ հավատալ՝ այո»:

ՀՊՄՀ երիտասարդ գրականագետների ակումբը համալսարանի Կուլտուրայի ֆակուլտետի մասնաշենքի կարմիր դահլիճում կազմակերպել էր հանդիպում՝ թատրոնի և կինոյի դերասան Դավիթ Յակոբյանի հետ: Դերասանը հարց ու պատասխանի միջոցով շփվեց ուսանողների հետ, պատասխանեց նրանց հետաքրքրող հարցերին ու կիսեց սեփական փորձը ապագա դերասանի մասնագիտությունն ընտրողների համար: Զրույցն ամբողջացնելով՝ նա զվարճալի դեպքեր պատմեց ուսանողական տարիներից: Թե ի՞նչը դրոշմ դառնալ դերասան, Դավիթ Յակոբյանը պատասխանեց. «Ամեն ինչ շատ պատահական ստացվեց: Մի օր եղբայրս բռնեց ձեռքիցս ու տարավ գեղարվեստի դպրոց, վարպետներին ասելով՝ իմ եղբայրը մեծ դերասան է դառնալու, խնդրում եմ ուշադիր եղեք նրա հանդեպ: Սովորեցի, սակայն ռեժիսուրայի բաժին էի ուզում ընդունվել, հետո փոխեցի որոշումս: Նույնիսկ առաջին կուրսում ուզում էի կիսատ թողնել ուսումս, բայց ստացվեց այն, ինչ ստացվեց: Գուցե ուրիշ բանով պիտի զբաղվեի, չգիտեմ»:

«Եթե ոչ դերասան, ապա ո՞վ» հարցի ներքո Դավիթ Յակոբյանը մտաբերեց մի պատմություն ծառայության տարիներից. «Սովետական բանակում էի ծառայում, բայց ոչ թե զինված ուժերում, այլ շինարարական զորամասում: Մի օր պետք է փոխարինեի վաշտի գրագրին: Լինելով հայ, հայկական դպրոցն ավարտելով հանդերձ՝ ես պիտի ռուսերեն գրեի մի քանի օր: Նեղվում էի, որ կրում եմ ուրիշ երկրի զինվորի ուսադիրներ, ես հայ գեներալներ էի ուզում տեսնել, հայ զինվորներ: Երևի թե զինվորական կրթությանը»:

Ապագա դերասաններին խորհուրդները շատ էին, սակայն շեշտադրեց. «Պետք է ամեն ինչ սկսել գրոյից, չփորձել նմանակել ինչ-որ մեկին: Իսկական դերասան դառնալու համար պետք է աշխատեցնել մարմնի բոլոր մասերն ու մկանները, այդ ժամանակ էլ չի լինի ոչ մի խանգարող հանգամանք: Դերասանի գործիքն իր մարմինն է, ուրիշ ոչ մի բան»:

Դավիթ Յակոբյանը խոսեց նաև կինոյի և թատրոնի տարբերությունների մասին՝ ասելով. «Թատրոնում ես եմ որոշում ինչպես խաղալ, թատրոնում միայն ես եմ ու հանդիսատեսը, ես անկեղծ եմ իմ հանդիսատեսի հետ: Կինոյում ամեն վայրկյան դու կարող ես փոփոխության ենթարկվել, դադարներ ունենալ: Թատրոնում ոչ թե պետք է հույզերով ու հուզվելով խաղալ, այլ կարողանալ կառավարել դրամը: Դա հմտություն է: Կինոյում ես կարող եմ հուզվել, և դա շատ անգամ լավ է՝ դադար կվերցնեմ, կհանգստանամ, իսկ թատրոնում ես իրավունք չունեմ

հուզվելու, ես չեմ կարող դադար վերցնել, միայն ես և հանդիսատեսն եմ»:

Դերասանն ուսանողներին տվեց պարտադիր ընթերցանության գրքերի ցանկ. «Որպես մշակույթի մարդ, հայ մարդ՝ դուք պարտավոր եք կարդալ Աստվածաշունչը, դա քարոզ չէ քրիստոնյա դառնալու համար, դա մեր պատմությունն է, ու մենք պարտավոր ենք ճանաչել ինքնուրույն մեզ»: Նշեց նաև «Սասունցի Դավիթ» էպոսը, «Ռանչպարների կանչը», Սերվանտեսի «Դոն Կիխոտը»: Կինոէկրաններին նոր հայտնված «Սողոմոնի կանչը» ֆիլմում ազգությամբ թուրք խաղալուց Դավիթ Յակոբյանը չի նեղվել, ասում է՝ բարի թուրք էի: Վերջին հարցը «Կյանք ու կրիվ» ֆիլմի՝ «Սեր խոստովանելուց վախենում ես, կրիվ գնալուց՝ վախենում ես» արտահայտության ու դրվագի հետ էր կապված:

- Ինչպե՞ս կերտեցիք այդ պահին այդ կերպարը, քանի՞ անգամ նկարահանվեց: «Շատ հետաքրքիր ստացվեց, սկզբում ռեժիսոր Սիեր Սկրտչյանը կանչել էր զինվորականի դերի համար, սցենարը կարողալուց հետո ասացի. «Սիեր ջան, ցանկացած մարդու կարող էիք կանչել, ախր անելիք չունեն էստեղ»: Դեռ պահի տեսքերը տվեց, հենց էդ դրվագը, ծիծաղելիս, որովհետև ես նույն ձևով եմ խոսում ուսանողներիս հետ, նույն բաներով: Իմ լեզվով էր գրված, ինձ պետք չէր խաղալ, ինձ ուղղակի բարկացնել էր պետք: Օրեր անցան, սրտի նոպա էի ունեցել, ու ինչ-որ մեկը Սիեր Սկրտչյանին ասել էր՝ Դավիթ Յակոբյանը սրտի խնդիր ունի: Այդ տեսարանի ժամանակ, Սիեր Սկրտչյանը շտապ օգնության սրտի խոսք է կանչում ինձից գաղտնի: Ապահովության համար սպասում եմ ներքևում, որ ուր որ է վատանալու եմ խաղալուց հետո... իրոք, շատ բուռն տեսարան էր: Ես խնդրեցի մեկ կարողով նկարել, խաղացի վերջացրի ու տեսա անհամապատասխանություններ, դադար եղավ ու հնչեցին ծափահարություններ, մի քանիսն անգամ արտասվում էին: Շրջվեցի, Սիերին ասում եմ՝ լավ էր, ասում է՝ ինչի՞ ես սենց հանգիստ, ու էսպես բոլորը կարծում էին, որ շտապ օգնության մեքենայով տեղափոխվելու եմ հիվանդանոց»:

Զրույցի վերջում, երիտասարդ գրականագետների ակումբի անդամները անակնկալ էին պատրաստել: Մեծ էկրանի վրա ցուցադրվեցին Դավիթ Յակոբյանի՝ ֆիլմերում կերտած կերպարներից դրվագներ ու հայացքներ, ապա դերասանին պատվոգիր հանձնեցին:

Դերասանի եզրափակիչ խորհուրդը ուսանողներին՝ հայի լեզվամտածողությունը պահելն է, քանզի դրանից թանկ բան չկա այսօր: Վերջում էլ հավելեց. «Մենք պետք ենք իրար, պետք ենք մեկմեկու, պետք ենք այստեղ»:

**Լիլիթ ԱճԵՄՅԱՆ**  
Կուլտուրայի ֆակուլտետի  
Լրագրության բաժնի 2-րդ կուրսի  
ուսանող

## ԲԱՐԻ ԵՐԹ՝ ՏԱՌԵՐԻ ԱՇԽԱՐՀՈՒՄ

Համալսարանական հիմնական դպրոցի առաջին դասարանցիների համար օրը և՛ սովորական էր, և՛ անսովոր, իսկ ինչո՞ւ...

...Որովհետև մինչև այսօր Դաս ենք արել նկարներով: Իսկ այսուհետ, երեխաներ, Մեզ հյուր կզան բազում տառեր, Որ դրանցով կարդանք, գրենք, Ու գիտության դուռը բացենք:



1-ին «Ա» դասարանի դասվար Կարինե Զիբուլայանի ղեկավարած դասարանի Ա տառի բացման դասը Մատենադարանի առջև կայացավ, ինչը խորհրդանշական էր փոքրիկների համար և ճանաչողական:

Փոքրիկներն ասմունքեցին դպրոցի ու դասի, գրքերի և ուսուցչի մասին, խոստացան, որ տառերը սովորելուց հետո կկարողանան բացել գիտելիքների դուռը:

Դասը «Ա» տառի մասին արևոտ էր և արևահամ. ամեն ինչ սկսվում ու ավարտվում էր Ա տառով. Փոքրիկները հանելուկներ ասացին՝ Ա-ով սկսվող պատասխանները գուշակելով, իսկ հետո. «Ավելացնենք նաև Աստված, Արարիչ, Ավետարան, Աստվածաշունչ բաները, որոնք անկասկած. ա-ով են սկսվում, որովհետև մեր այբուբենը ստեղծվել է Աստծու կամքով և կախարդական զորություն ունի»:

Առաջին դասարանցիների թոթովախոս ասմունքի հիմքում մեր այբուբենի առաջին տառն էր, նրանով ոսկեզօծվող հայոց աշխարհը.

Ա-ով է սկսվում այբուբենը մեր, Մեր հայոց լեզվի առաջին տառը, Մեր Արաքս գետը, մեր Ամին ավեր, Եվ հայոց հրաշք Արարատ սարը:

Ապա աշակերտները վստահեցրին.

Դուք հայերեն տառեր սիրում, Այսօրվանից մերն եք հավետ, Կյանքի բոլոր ճամփաներում Պիտի միշտ էլ քայլենք ձեզ հետ: «Սիրելի՛ երեխաներ, այսօր ձեզ հա-

մար մեծ տոն է: Հավատացած եմ, որ այն անցնելի տպավորություն կթողնի ձեր հոգիներում և կհիշվի ամբողջ կյանքում: Այսօր դուք պատրաստվում եք մի խաղ-ճանապարհորդության՝ ուղևորվում եք անծանոթ տառերի երկիր: Բարի՛ մուտք ձեզ դեպի անծանոթ տառերի խորհրդավոր աշխարհ», -իր աշակերտներին դիմեց դասվարը՝ վստահ, որ նրանք տառերով զինված՝ կմտնեն գիտելիքների կախարդական աշխարհ:

«Ա» տառի բացմանը նվիրված միջոցառումը եզրափակվեց երգ ու պարով և «Ա» տառած թխված բլիթների համտեսումով:

Բարի երթ, տառերի աշխարհում, սիրելի փոքրիկներ: Սիրեք Հայրենիքը, սիրեք Հայոց տառերը, որպեսզի մեծն Մաշտոցի այբուբենով կարողանաք ակոսել գիտելիքների ծովը և մեծանալ որպես իսկական հայրենասերներ:

«Ա» տառի բացման հանդես էր նաև 1-ին «բ» դասարանում: Դասվար Անի Սողոմոնյանի աշակերտներն աշնանային տերևներով ներս մտան ու տերևաթափի գեղեցիկ տեսարանով ազդարարեցին միջոցառման մուտքը: Նրանց ողջունեց դասվարը, մաղթեց լավ սովորել այբուբենը:

Փոքրիկներն ասմունքեցին, հայտնի բանաստեղծական տողերով փառաբանեցին Մեսրոպ Մաշտոցին.

Օ, մեծագույն Մեսրոպ Մաշտոց, Մեր առաջին բացված դպրոց, Ամեն գիրդ՝ լույսի ճրագ, Մեզ հայ պահող անմահ՛ր կրակ:

...Մաշտոցյան գրերի շնորհիվ մենք հաղթահարեցինք բազում փորձություններ, պահեցինք մեր երկիրը, մեր ոգին: Առաջին դասարանցիները երգե՛ր ծոնեցին այբուբենին.

Տառերը պես-պես բացել են հանդես, Տառերը մեր տունն են:

Միացիր դու մեզ ու երգիր մեզ հետ, Մենք քեզ սիրում ենք, Հայոց Այբուբեն: Նրանք փոքր են, բայց արդեն հասկանում են, որ զինվորներն են, որ հայոց լեզվի տերն են, որ տառերով են պաշտպանված.

Քեզ պաշտպանում ենք, մեզ պաշտպանում եք, Մենք զինվորներն ենք, մեր լեզվի տերն ենք:

Ու նորից աշնանային տեսարան, մրգառատ աշուն, «Ա» տառով սկսվող ու չվերջացող գեղեցիկ բաների ու բանաստեղծությունների շքեղաշուք շարք.

Ա-ն Արարատն է կարոտ կանգնած ու Արցախն է արյուն դարձած Ու արյան մեջ, թե կարոտի Առավոտներ պիտի բացվեն... Առավոտներ՝ հաղթանակի...

Միջոցառումը հայոց տառերին ու հայոց լեզվին ծոնված մի համապարփակ երգ էր, որ յուրաքանչյուր առաջին դասարանցի կպահի իր հոգում երկար, մյուս բոլոր տառերը սովորելու ընթացքի մեջ «Ա» տառը կփայլի ու կփայլատակի՝ ճանապարհ տալով մեսրոպյան մյուս տառերին:

**Սիլվա ԱՄՐԱՆ**



# ՄԵՐ ՄԱԳԻՍՏՐՈՍԸ՝ ԴԻԱՄԱՇՆՈՐՀԱՅԻՆ ԾՐԱԳՐԵՐԻ ՄՐՑՈՒՅԹԻ ՀԱՂԹՈՂ ԽՄԲՈՒՄ



յան միջոցով» թեման արժանանացել է դրամաշնորհի:

Ի դեպ, ՀՀՄՍ մագիստրոս Վարդուհի Սկրտչյանը գիտահետազոտական խմբում ընդգրկված միակ ուսանողն է: Խմբի ղեկավարը Բյուրականի աստղադիտարանի տնօրեն Արեգ Միքայելյանն է:

Վարդուհի Սկրտչյանը Մանկավարժական համալսարանում բազմիցս մասնակցել է աստղագիտությանը վերաբերող դասընթացների ու գիտաժողովների: Նա առանձնակի կարևորում է բուհի և Բյուրականի աստղադիտարանի համատեղ ձեռնարկները, որոնց շրջանակներում էլ մասնակցում է միջազգային դպրոցների և դասընթացների:

ՀՀՄՍ մագիստրոսը խոստովանում է՝ համալսարանը դարձել է ուրտի և աստղագետների հետ ծանոթանալու յուրահատուկ ժողովրդ, որը հնարավորություն է ընձեռում ուրտի վերաբերող հարցերը քննարկել գիտական մակարդակներում:

Նշենք, որ ծրագիրը մեկնարկել է այս տարվա հոկտեմբերին՝ 5 տարի շարունակ դրամաշնորհ կտրամադրվի Բյուրականի աստղադիտարանի գիտահետազոտական խմբին:

ՀՀՄՍ Մաթեմատիկայի, ֆիզիկայի և ինֆորմատիկայի ֆակուլտետի ֆիզիկայի բաժնի մագիստրոս Վարդուհի Սկրտչյանը Բյուրականի աստղադիտարանի գիտահետազոտական խմբի անդամ է, որը վերջերս մասնակցել է ՀՀ ԿԳՄՍ նախարարության Գիտության պետական կոմիտեի հայտարարած դրամաշնորհային ծրագրերի մրցույթին:

7 ամիսում ունեցող գիտահետազոտական խմբի ներկայացրած «Գալակտիկաների էվոլյուցիայի վաղ փուլերի բացահայտումն ակտիվ գալակտիկաների բազմալիքային ուսումնասիրութ-

## Ամփոփիչ պրակտիկա

### ԿԱՐԱՐՈՒ ՈՒ ՏԱՔ ԱՐԻՏ

...Իսկ աշխարհում երջանկությունն ավելի է տարողունակ...  
**Պ. Սևակ**

Վերջապան գրելու կորով, ինչու չէ, նաև ունակություն է պետք մարդուն... Չի ստացվի, եթե ներսդ անընդհատ նորի, լուսաբացի, սկզբը տալու նորաթուխն է նստած... Ձեռքերդ կապված են զգում, մտքերդ՝ մի ուղղությամբ շարժվող...

Ամփոփիչ պրակտիկա, արարման ներդաշնակ ավարտ. մահանջել չգիտեմ այդ դաշտում, դառնում են ավելի զգացմունքային, ինչպես ինչ-որ բան ավարտին հասցրածները:

...Այս անգամ՝ ամփոփիչ պրակտիկայի ընթացքում, նորի ակնկալիքով իր գողտրիկ դռներն էր բացել խաչատուր Աբովյանի անվան թիվ երկու դպրոցը...

Երբ արդեն զգում են դպրոցի շունչը, հաջորդ քայլերի հերթն է գալիս՝ հանգիստ ու ներդաշնակ...

Ինձ բախտ վիճակվեց սկսելու «Երկնքից երեք խնձոր ընկավ» բաժինը: Երջեցիք մեզ համար նորովի բացահայտած իններորդ մոլորակում՝ ինչու չէ նաև մի նոր հեքիաթասաց դառնալու ձգտումով ու հույսով: Մեր

նոր մոլորակում հերոսները միանշանակ առաքինի կամ չարական չեն, իսկ նրանց արարքները անմիջապես ընդունելի կամ անքննարկելի չէին կարող լինել. մենք չունենք բացարձակ ճշմարտություններ...

Բովանդակության վերադարձումը կայանում էր հստակ դերերի բաշխմամբ... Երեխաները պատրաստ էին այդ դերերը ստանձնելուն ու անկախ հեքիաթի հետագա զարգացումների՝ վահան դառնալ գործողություններով չփայլող որևէ հերոսի...

Վերլուծում էին, սեփական կարծիք ձևավորում ցանկացած հարցի շուրջ ու վերջում հանգում ճշմարտության՝ ոչ գերազանցատելով կամ առավել ևս թերազանցատելով երևույթը...

Աստված ժողովրդի հետ խոսում էր առակներով, մեր աշակերտներն էլ խոսում էին առածներով, ասացվածքներով. առածների իսկական տեղատարափ էր սկսվում դասի ընթացքում:

Իրենց ընկալումների սահմաններում ամենաթանկ բանը անգին խաղաղությունն էր, անդամաճան ազատությունը, հարեմիքը, ընտանիքը, մայր հողը...

Ամեն ակնթարթ սովորելու և առողջ մրցակցելու «մոլուցքը» աշակերտների կարմիր ու տաք

սրտում է. չես կարող քանու մեղմ լարերի կամ աննպատակ հովերով նրանց ձեռքը սեղմել:

Սեփական ձեռքերով «պատժի տետր» սահմանել, գծել ու վերնագրել հենց այդպես, եզակիներին, քաջերին է շնորհված: Բայց արի ու տես մեր աշակերտները, երբ սխալ էին անում, անցկացնում էին այդ տետրում՝ մեկը՝ թաքնում ու արագ, մեկը՝ հատուկ բոլորին ցույց տալով... Միևնույն ժամանակ բոլորի մտադրությունն էլ, նպատակն էլ նույնն էր՝ սխալը ընդունել, գիտակցել, ուղղել ու առաջ շարժվել: Ինքնուրույն էին, ազատ...

Իմ ուսուցիչը՝ վարպետը, արվեստանոցի կամ կրթօջախի հեմասյունն է. անհնարին բառը մա ընդունել չի կարող, չի պատրաստվում: Երջանի՛կ մարդ են, երջանկության սեղանի առաջ նստած Սևակ են թերթում՝ բոլոր գործոնները կան, և մնում էր անընդհատ առաջ շարժվել՝ տարբեր մայրուղիներում հայտնվելու համար:

Հոգաչափ շնորհակալ լինել ամենքին: Սրտի կծկումով ավարտել: Կարոտել անվերջ: Սիրել ու այդ սիրով նվիրվել, ապրել... Ի՞նչ է մնում մարդուն վերջում՝ գոնե՝ «փոխհատուցման» տարբերակով: Ինձ մնում է այս ոչ հռետորական հարցին պատասխանել և ինձ համար էլ ամենաթանկ բանն առանձնացնել... Ամեն մի վերջից հետո մարդուն մնում են միայն հուշեր, ստացած վառ տպավորություններ, ամենաթանկն էլ, երկի, հիշողություններ են անցյալից թրծված...

Եվ, այնուամենայնիվ, «միայն սիրտն է սրտես, ու ամենակարևորը այդպես էլ աչքով չես տեսնի»...

**ԱՆՆԱ ԿՈՍՏԱՆՅԱՆ**  
Բանասիրական ֆակուլտետ, բակալավր, 4-րդ կուրս



# Մեր ուսանողը՝ բազկամարտի առաջնության հաղթող

Օրերս կայացավ Հանրապետական ուսանողական 22-րդ մարզական խաղերի բազկամարտի առաջնությունը, որին մասնակցում էր նաև Մանկավարժական համալսարանի 7 ուսանող:

75 կգ քաշային կարգում առաջին պատվավոր հորիզոնականը նվաճեց բուհի Մաթեմատիկայի, ֆիզիկայի և ինֆորմատիկայի ֆակուլտետի ինֆորմատիկայի բաժնի 3-րդ կուրսի ուսանող Հովհաննես Բալյանը, որը նաև ղեկավարում է ֆակուլտետի սպորտի հանձնաժողովը:



Վերջինս ի սկզբանե «որոշել էր» հաղթել, և նրան հաջողվեց հաղթահարել ընթացքում հանդիպած բոլոր խոչընդոտները, ինչն էլ Հովհաննեսին դարձրեց հանրապետական առաջնության բազկամարտի մրցաձևի հաղթող:

«Հանձնաժողովն աշխատանքային երկար դադարից հետո սկսում է իր ակտիվ գործունեությունը. հանդված են՝ փոքրիկ հաղթանակները դառնալու են ուսանողական մեծ հաջողությունների սկիզբը», - ասում է Հարություն Սկրտչյանն ու հավելում՝ նմանատիպ խաղերն ուսանողներին օգնում են հավատալ սեփական ուժերին, լինել առավել համախմբված, ստեղծել նոր միջավայր՝ ձեռք բերելով նոր ընկերներ:

Բազկամարտի առաջնության հաղթողը հավելեց, որ հաղթանակն իր համար մի նոր շարժառիթ դարձավ. առաջիկայում հենց այս ոլորտում կշարունակի ծավալել ակտիվ գործունեություն: Պետք է համախմբվել մի նպատակի շուրջ և առաջ շարժվել:

Օրերս կայացավ Հանրապետական ուսանողական 22-րդ մարզական խաղերի բազկամարտի առաջնությունը, որին մասնակցում էր նաև Մանկավարժական համալսարանի 7 ուսանող:



## 34-րդ ուսումնական տարվա մուսրը

ՈՂ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցում տեղի ունեցավ ավանդույթ դարձած 34-րդ (2021-2022 թթ.) ուսումնական տարվա բացումը:

Մասնակիցները հոտնկայս մեկ ռուպե լուծյալ հարգեցին 44-օրյա արցախյան պատերազմում արիաբար զոհվածների հիշատակը: Այնուհետև Հայաստանի հիմնով մեկնարկեց միջոցառման պաշտոնական մասը: Ողջույնի խոսքով հանդես եկան Ռուսաստանի Դաշնությունում Հայաստանի Հանրապետության արտակարգ դեսպանորդ, դեսպանության լիազոր նախարար Արսեն Առաքելյանը և ՀՀ դեսպանության երկրորդ քարտուղար Գեղամ Ադամյանը, ովքեր իրենց խոսքով ներկայացրին հորդորեցին՝ սովորել հայոց լեզուն, պատմությունը, պահպանել հայկական ավանդույթներն ու մշա-

կույթը՝ ընդգծելով «Վերածնունդ» դպրոցի առաքելությունը հայեցի դաստիարակության գործում:

Այնուհետև իր հայրենասիրական խոսքն ուղղեց ներկայից իրեն ՀՀ Պաշտպանության նախարարության զինծառայող, արցախյան վերջին պատերազմի մասնակից, փոխգնդապետ Սմբատ Քառյանը:

Շնորհակալական խոսքով ելույթ ունեցավ դպրոցի տնօրեն մանկ. գիտ. թեկնածու տիկին Շողի Փահլևանյանը: Նա նաև շնորհավորեց Ռուսոչի օրվա առթիվ, այնուհետև էկրանին ցուցադրվեց դպրոցի 2020-2021 ուսումնական տարվա գործունեության մասին պատմող տեսաժապավենը:

Օրն ամփոփվեց «Վերածնունդ» դպրոցի սաների՝ հայրենիքին և ուսուցչին նվիրված գրական-երաժշտական գեղեցիկ կատարումներով:

Գրանցման վկայական՝ 01Մ00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97: Էլ. փոստ՝ Newspaperaspu.am, asryansilva@gmail.com Տպագրված է «Տիգրան Մեծ» հրատարակչության տպագրատանը: Հասցեն՝ Արշակունյաց 2 Տպաքանակը՝ 1800 օրինակ: Ծավալը՝ 2 տպ. մասով

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար: Հանձնված է տպագրության 22.10.2021 թ. Թերթը կարող եք կարդալ ՀՀՄՍ կայքում՝ www.aspu.am

Գլխավոր խմբագիր՝ Սիլվա ԱՄՐՅԱՆ  
Բանասիրական գիտությունների թեկնածու  
Էջաղուրմը՝ Պետրոս ՎԱՐԴԱՆՅԱՆԻ  
Համարի պատասխանատու՝ Սիլվա ԱՄՐՅԱՆ